

ISIAKU



The history of Isaac in Illo Busa as recorded in the Ataula,
the first book of Moses called Genesis: Datena 24 - 27.

Nɔwɛtɛna Isiakune

Bulaima zikũ à kà zāu, mí Deke balikakàɛ yāpikiũ. Akũ à ò a zɔbennanɔ gbě zĩkĩ pɔ de a pɔpiki yākekenna ũɛ: Ɔ sɔtɔ ma gbada taaũ, mí tó ò lɛda kũ Deke musu kũ zĩtɛdo Lua tɔdo, ò o nda Kanaa bũsu pɔ má ku nɔ sɛ ma nɛɛo. Gɛ ma bɛ busuũ ma danɛnɔ kĩa, ndí nɔsɛ ma nɛɛ gũ. Akũ a zɔbenna pì a là à ò: Tó nɔgbě pì di we à bò à tɛmadi à sùmodo bũsu diũ sɔo bi? Maa gɛ kũ n nɛdo bũsu pɔ n boũ ya? Bulaima òɛ: Laakaika! Su ò gɛ kũ ma nɛdo gũo. Deke Lua Musude ma bo ma mae bɛ ma danɛnɔ busuũ, akũ à yā'òɛa, à lɛdà à ò akũda bũsu di kpa ma buinɔwa. Akũ mí àa a Malaika zĩ à gẽnnɛ ɛɛ. Gũ nda nɔsɛ ma nɛɛ. Tó nɔgbě pì di we à bò à tɛndio, nda bo lɛdana pɔ ma tò n kèũ. Su ò gɛ gũ kũ ma nɛdoo fa! Akũ a zɔbenna pì a ɔ sòtɔ a deke gbada taaũ, à lɛdàɛ yā pì musu.

Zɔbenna pì a deke yangonɔ sè mɛn kwi kũ a deke aizekɛ bui pikido, akũ à fɛtɛ à gɛɛ Nahɔɔ bɛ bĩũ Sulia Mesɔpɔtamia busuũ. Pɔ à kà gũ, à tò yangonɔ kāmabò lɔɔ sɛɛ bɛ kpɛ. Pɔ ɔkɔsi kè, gɔɔ pɔ nɔgbɛnɔ dì butɛ i tɔdi, akũ à wobikè Luawa à ò: Deke, ma deke Bulaima Lua, yāmaakɛ ma dekenɛ. To ma tá kɛ nna ɔkɔsila. Gwa, má zɛna lɔɔ sɛɛ la. Tó bĩ nɔkɔnanɔ bùtɛ i tɔdi, nɔkɔna pɔ má òɛ à a bella pita à i dāmɛa mà mi, tó à òɛa mà mi, i kpa ma yangonɔwa dɔ, maa dɔ pɔ n yā maa kè ma dekenɛ, nɔkɔna pɔ n dì n zɔbenna Isiaku pɔ ũn nu.

I yā pì o à làkao, akũ Betuɛ né Lifika bò kũ bellado dina a gāngu. Betuɛ Bulaima vĩna Nahɔɔ né pɔ à ò kũ a na Milikadoɛ. Nɔ

maae, a lesi, nɔgɔ̃nke di wutedo yãao. À mò lɔgɔ lewa, à i tò bella pà, akū à sùka ada tá. Akū zɔbenna pì basì à gèè à gu zɔ̃ne à ò: Ma gba í mà mi, baa fĩũ. Nɔgbẽ pì ò: Mi, Baa! Akū à a bella pìta gɔ̃ɔ, à í kpàwa, à mì. Pɔ à í kpàwa à mì à làka, à ò: Maa tɔ n yangonɔne dɔ, an mi ee an ká. Akū à a bella í kà pɔnɔ imibɔũ gɔ̃ɔ, à sùka à basì à gèè i tɔdi lɔgɔ lewa, akū à i tò yangonɔne piki. Akū nɔgɔ̃na pì zè, ada a gwa siuu, pɔ à le à dɔ́ tó Deke da to akū tá ke nna, kó àa ke nnao. Pɔ yangonɔ imì an làka, akū nɔgɔ̃na pì zĩnali takana nípɔ maa dà nɔ pine, à zĩnali zã'ɔpɔ dәне men pia. Takana pì gbia kà galaũ sɔo, zã'ɔpɔ pinɔ sɔ galaũ basɔbasɔo. Akū à a là à ò: Om̃ea, dí nen n ũi? Wáa ikĩi le n mae bewa ya? Akū à wène à ò: Betue nen ma ũ, Milika kũ Nahɔɔdo tokona. Tibɔnɔ pɔbena di wá bewa, mí ikĩi ku dɔ. Akū nɔgɔ̃na pì mì pɛtɛ à kùtɛ Dekene à ò: Wà Deke ma deke Bulaima Lua saabukpa, pɔ i gi maake kũ naaido kenedio yãdi. Maakũ sɔ, Deke gèem̃ea ɛe ma deke danenɔ bewa.

Akū nɔkɔ̃na pì basì à gèè à yã pì dòdɔ a bedenɔne. Lifika vĩna vĩ, wì onɛ Labã. À bò be kpe kũ basido, à gèè à nɔgɔ̃na pì lè lɔgɔlewa, zaapɔ à è akū dakũna takana kũ zãdo dana, mí à yã pɔ nɔgɔ̃na pì òne mà. Pɔ à gèè à a lè kũ yangonɔdo lɔgɔlewa, à ò: Mɔ, Deke balikade! À kè laba n zena be kpei? Ma kpé kèkenne kũ yangonɔ yikĩido. Nɔgɔ̃na pì gè zũu, akū Labã yangonɔ aso pòto à sēla búsu kũ a giido kpàmmá, à í kpà nɔgɔ̃na piwa, akū à gba pìpido kũ a gbẽnɔdo piki.

Wà pɔbena dìne, akū à ò: Maa pɔbe gĩao ee mà yã pɔ ma mɔdo o. Akū Labã ò: O. Akū à ò: Bulaima zɔbennan ma ũ. Deke

balikakà ma dekenε maamaa, akū à gò ɔgɔde ũ. À a gbà sãno kū zunɔdo kū sulubado kū zĩnalido kū zò nɔgɔnanɔdo kū zò nɔgbẽnɔdo kū yangonɔdo kū faaganɔdo. Ma zɔde pì na Salatu nɛ'ì nɔgɔna ũ a zikūnaũ, akū ma deke pɔ pɔ à vĩ kpà nɛ piwa piki. Ma deke tò ma lɛdà, zaapo à ò má su mà Kanaa bùsu pɔ á ku nɔ sɛ a nɛnɛo. À ò mà gɛ akū de bɛwa akū buiũ, mí nɔsɛ akū nɛnɛ gũ. Akū maa deke là ma ò, tó nɔgbẽ pì di we à bò à temadio sɔ bi? À wèmɛa à ò, Deke pɔ akū tedi, akū mí da a Malaika zĩ à gɛ zɛdimeɛa, pɔ ma tá le à kɛ nna, mí nɔsɛ akū nɛnɛ akū de bɛ danɛnɔũ. À ò tó ma gɛ akū buino kĩa, tó wì weo, maa bo lɛdana pɔ má kèakūnɛũ.

Pɔ ma ka logɔ lɛwa gbãa ma ò: Deke, ma deke Bulaima Lua, tó n we, to ma tá kɛ nna. Má ku logɔ lɛwa. Nɔkɔna pɔ mò i tɔdi, mí ma ònɛ à ma gba í fĩũ mà mi, tó à ò mà mi, i tɔ ma yangonɔnɛ dɔ, maa dɔ nɔkɔna pɔ n dì à kɛ ma deke né pɔ ũn nu. Ee màkū yã pì o ma nɛsɛũ màkū laka, akū Lifika bò kū bellado dina a gãngu, à mò logɔ lɛwa à i tò. Akū ma ònɛ à ma gba í mà mi. À a bella pìta gɔɔ, à ò mà mi, i kpa ma yangonɔwa dɔ. Ma mì akū à kpà ma yangonɔwa. Akū ma a là, dí nɛn a ũi? À ò Betue nɛn akū ũ, Milika kū Nahɔɔdo tokona. Akū ma takana nipo dɛnɛ, ma zà dɛnɛ a ɔnɔwa. Akū ma mi pɛtɛ ma kutɛ Deke ma deke Bulaima Luane, ma a saabukpa, zaapo à gɛɛmɛa ɛɛ zé susuũ, pɔ mà a deke vĩna tokona sɛ a nɛnɛ. Tiasa tó a we à maake kū naaido yãkɛ ma dekenɛ, à omɛa. Tó i we sɔo, à omɛa, mí gɛ gukewa. Labā kū Betuɛdo wènɛ an ò: Yã pì bò Deke kĩaɛ, wába yãkɛ ona vĩo, a maa kó a vãi. Lifika di, ò a sɛ ò tado, i gɔ n deke

né na ũ lapɔ Deke òba. Pɔ Bulaima zɔbenna pì an yã mà, à wùtɛ tɔɔtɛwa Dekenɛ. Akũ à nɔmaabeɔ pɔ wà kè kũ sulubado kũ zĩnalido kũ pɔkasanɔdo bùtɛ à kpà Lifikawa. À a vĩna kũ a dado gbà pɔ ɔɔɔdenɔ dɔ. Bee kpɛ akũ kũ gbɛ pɔ kudonɔdo an pɔbè an imì, akũ an ì gũ.

Pɔ an fètɛ kɔnkɔ à ò: À ma gbɛɛ mà ta ma dekewa. Nɔ vĩna kũ a dado ò: To nɛ pì gɔwado baa gɔɔ kwi, í basa tá. Akũ nɔgɔɔna pì ònné: Lapɔ Deke ma tá kè nna diba, á su à ma dǎdǎo. À ma gbɛɛ mà ta ma dekewa. Akũ an ò: Wà nɛ pì sisi wà a la. Akũ an Lifika sisi an a là an ò: Nda tá kũ gbɛ pido ya? Akũ Lifika ò: Maa ta. Akũ an Lifika gbɛɛ kũ zò pɔ à a gwà zaa a nɛfɛnkegɔɔdo, andá tá kũ Bulaima zɔbennado kũ a gbɛnɔdo. An sa maa ò Lifikanɛ an ònɛ:

Né, nda gɔ gbɛ dasinɔ dazi ũ,

n buinɔ díkũ gbǎa vĩ an zāngudenɔwa.

Akũ Lifika fètɛ kũ a zò nɔgbɛnɔdo, an zĩtɛ yangonɔ musu, an bò an tɛ nɔgɔɔna pidi, akũ à tànɔdo.

À mò à lè Isiaku sù kũ lɔɔ pɔ wì o Luabɛɛpɔima'edo, à zĩtɛ Nɛgebe busuũ. À bò à gɛɛ laasookɛdi lakpɛũ ɔkɔsi, akũ pɔ à wesè, à è yangonɔ dá mɔ. Lifika wesè à Isiaku è sɔ, akũ à pìta a yango musu kpaaka, à zɔbenna pì là à ò: Din nɔgɔɔna pɔ be lakpɛũ ada mɔ dadiwalɛ zaa le ũi? Akũ zɔbenna pì wènɛ à ò: Ma dekenɛ. Akũ Lifika a pɔdangāngu sè à kù a wewa. Pɔ an kà Isiaku kĩa, zɔbenna pì yã pɔ à kè dòɔɔnɛ piki. Isiaku gɛ kũ Lifikado a da

Salatu bazakpɛũ, akũ à a sɛ̀, à gɔ̃ a na ù. A yidi, akũ a nese nìni a da gana kpe.

Bulaima ne keno

Bulaima nɔ ke sɛ̀ dɔ, a tɔn Ketula. Né pɔ à ìdonɔ tɔn di: Zimana, Yosã, Mɛdã, Midiã, Isebaki, Sua. Yosã mí Seba ì kũ Dedãdo. Dedã buinɔn Asulinɔ ù kũ Letusinɔdo kũ Leuminɔdo. Midiã nenɔgɔ̃nanɔ tɔn di: Efa, Efɛɛ, Anɔki, Abida, Elɛdaa. An piki Ketula buinɔɛ.

Bulaima a aizeke kpà Isiakuwa piki, akũ à gbadà a na pɔ i mesedinneonɔ nenɔnɛ, à an gbɛɛ zĩte ɔdi ee àkũ ge gadi, pɔ an su ankũ ku gudokũ kũ Isiakudoo.

Bulaima gana

Bulaima kè wɛ̀ baswaakɔ̃kwi kũ sɔodo, akũ à gà. À zikũ kotokoto, akũ à bàsa à gɛ̀ a gbɛ̃nɔ guaũ. A nenɔ Isiaku kũ Sama'ilado an a vĩ Makpela gbewɛũ, Mamale zĩte ɔdi, Bua pì de Hiti bui Zohaa né Efɔ̃nɔ pɔ ù yãa, akũ Bulaima lù Hitinɔwa. Gũ wà a vĩ kũ a na Salatudo. Bulaima gana kpe Lua balikakà a né Isiakunɛ. A zĩtena Luabɛ̃ɛpɔima'e lɔgɔ sɛɛ.

Sama'ila buino

Bulaima né Sama'ila buinɔ yãn di: Salatu zò nɔgbɛ̃ Hazalatu, Masa nɔgbɛ̃ an à ne pì ìdo. A nenɔgɔ̃nanɔ tɔn di an inawa. A nenɔgɔ̃na kaaku tɔn Nebayo. A dakũnanɔ tɔn di: Kedaa, Adibɛ̃eli, Mibisã, Misima, Duma, Masa, Adada, Tema, Yetuu,

Nafisi, Kedema. Sama'ila nenɔgɔnanɔ tɔn nu. An baapiki a tɔkpà a biine kó a bùa. Ankũnɔ mí bui wɛɛpianɔ dezi kaakunɔ ũ.

Sama'ila kè wɛ basoopia aakɔsai, akũ à gà à gɛ a gbɛnɔ guaũ. A buinɔ zìte zaa Avila ee à gɛɛ à pɛ Suluwa Masa bùsu lɛwa tana Asulia bùsu ɔdi. Andì kɔ te si kũ Bulaima bui kɔɔnɔdoo.

Isua kũ Yakubudo ina

Bulaima né Isiaku buinɔ baon di: Bulaima Isiaku ì. Pɔ Isiaku kà wɛ bapia akũ à Labã dakũna Lifika sɛ. Akũ mí Sulia bùsu gbɛ Betue pɔ bò Mesopotamia busuũ né ũ. Isiaku wobikè Dekewa a nane, zaapɔ fiiɛ, akũ Deke sìdo, a na pì nɔsì. Fĩnanɔ dá dɛɛka a nesɛũ, akũ à ò: Bɔyãdi yã bee bii ma lei? Akũ à gɛɛ Deke ladi. Deke òne:

Bui men pia ku n nɛ'isakpɛũ,
gbɛn pia pɔ ku n nesɛũ pinɔ da kɛ kɔwa.
Bui mendo gbãa dakũ dɛ adola,
a pɔ bò kaaku da gɔ né ũ gbɛ zãne.

Pɔ a nɛ'igɔɔ kà, à finanɔ ì nɔgɔnanɔ ũ. Pɔ gbɛ kaaku da bo, à bò tɛɛ dɔɔdɔɔ. A mebaasikã kà uta ũ, akũ wà tɔkpànɛ Isua. Pɔ né piade dá bo sɔ, à dɔ Isua gbatukewa, akũ wà tɔkpànɛ Yakubu. Isiaku wɛ baakɔdeũ an à nɛ pinɔ ì.

Nɛ pinɔ zɔkɔkũ. Isua kè toekanna ũ, ìdi bo lakpɛũo. Yakubu sɔ begwannæ. Isiaku yi Isuadi, pɔ a lɛ'i vĩ yãdi. Lifika sɔ a yi Yakubudi.

Zĩkezĩ Yakubu dá dò kuku, akũ Isua sù kũ lakpedo, nɔa dá a de. Akũ à ò Yakubune: N yã nna! To mà pɔbena tẽa bee le mà be, zaapɔ nɔa dá ma de. A yã mí tò wà tɔkpà Isuane Edomu. Yakubu ò: Ñ n zõkõke kpama gĩa. Akũ Isua ò: Ma ka gana, bó ma zõkõke da kemeai? Akũ Yakubu òne: Le damea gĩa. Akũ à ledàne, à a zõkõke kpàwa. Akũ Yakubu bulodi kũ bea dò pido kpàwa. À bè à imì, akũ à fète à bò. Maka Isua a zõkõke dì pã.

Isiaku kũ Abimelekido

Legũsai kà bùsu piũ, a kaaku pɔ kà Bulaima gɔɔ baasi, akũ Isiaku fète à gèe Filisitininɔ kia Abimeleki kĩa Gelaa. Akũ Deke bò à mɔwa à ò:

Su ñ ta Masao.

Zĩte gu pɔ maa one.

Ñkũ ku bùsu diũ gĩa.

Maakũ kundo, mí balikakanne.

Maa bùsu di kammae piki kũ n buinodo,

mí ledana pɔ má kè n maene kenne.

Maa n bui lafa landõ saananɔba,

mí bùsu di kammá piki.

Bui pɔ ku tɔtewanɔ piki

anda balika le n bui sabadi,

pɔ Bulaima ma yã mà yãdi.

À ma ɔtẽndɔkĩ gwà,

mí à ma yãdinanɔ kũna

à ma yã'onanɔ mà kũ ma ikoyãnodo.

Akū Isiaku gǝ́ Gelaa. Pɔ̀ bɛdɛnɔ́ dǎ́ a la a na yǎdi, à ò akū dakūnaɛ. Zaapɔ́ ada vīama, ada e tó akū ò akū naɛ, wàa akū dɛ nɔ̀ pì yǎdi, zaapɔ́ nɔ̀ pì nɔ̀ maaɛ. Pɔ́ ada gɔɔpia ke gū, Filisitininɔ́ kia Abimeleki dǎ́ zīte gwa taagaũ, akū à sù à è Isiaku dǎ́ bɔ́nɔ́be kū a nado. Akū à Isiaku sìsì à ò: N naɛ fa! À kè laba n ò n dakūna ni? À wène à ò: Máda e wàa ma dɛ a yǎdi. Abimeleki ò: Bɔ́yǎdi n kèwèa makai? À gǝ́ fīwū wá gbēke wute kū n na pido, dà yǎa n wá dǎ taaliũ. Akū Abimeleki lezà gběmpikiwa à ò: Gbē pɔ́ ɔ̀nà nɔ́gɔ̀na piwa kū a nado, wàa a dɛ.

Isiaku pɔ́ tǝ̀ bùsu piũ, akū à pɔ́ lè wè piwa lɛɛ basɔ́, pɔ́ Deke balikakàũ yǎdi. À zōkōkū, akū a aizeke dīkū lafa ee à kè ɔ́gɔ́de sà gbia ũ. A sǎnɔ́ kū zunɔ́do vī dasi kū zɔ́nɔ́do, akū Filisitininɔ́ zaũ. Akū an lɔ́gɔ́ pɔ́ a mae Bulaima zīkennanɔ́ yǝ́ a gɔɔwa tàta kū busudo piki. Akū Abimeleki ò Isiakune: Gowala, zaapɔ́ n gbāa dɛwala maamaa.

Akū Isiaku bò gū, à bùa kàte Gelaa gusiteũ, akū à gɔɔpiakè gū. Lɔ́gɔ́ pɔ́ wà yǝ́ a mae Bulaima gɔɔnɔ́ mí Filisitininɔ́ tàta a gana gbɛzǎ an à sùka à bòbo, à tɔ́ dokū pɔ́ a mae kpàńne yǎanɔ́ kpàńne dɔ́. Isiaku zīkennanɔ́ lɔ́gɔ́ ke yǝ́ gusite piũ, akū an bò í maawa. Akū Gelaa pɔ́dǎnnanɔ́ lɛkpaakī kè kū Isiaku pɔ́dǎnnanɔ́do an ò: Wá íɛ. Akū à tɔ́kpà lɔ́gɔ́ pine Fete, pɔ́ an fete kè a yǎdi. An lɔ́gɔ́ ke yǝ́, akū wà lɛkpaakī kè lɔ́gɔ́ pì yǎ musu dɔ́, akū à tɔ́kpàne Ibetɛ. À gò gū, akū à lɔ́gɔ́ ke yǝ́ dɔ́, andi lɛkpaakūke a yǎ musu dɔ́. Akū à tɔ́kpàne Gāsīpoto, zaapɔ́ à ò: Deke wá gbá gāsīpotokī, wáa ɔ́ta sà.

Bee kpɛ à gɛɛ Bɛɛsɛba. Deke bò à m̀wa gwāafī bee à ò:

Maakū mí dɛ n mae Bulaima Lua,
su n vīamao, zaapo maa kundo.
Maa balikakanne, mí n bui lafa
ma zɔbenna Bulaima yādi.

Gū à sa'okīi bò à Deke sisi. Akū à bùa kàtɛ gū, a zīkennano dá logɔ ý. Akū Abimeleki bò Gelaa à m̀ Isiaku kīa kū a ledammade Ahuzado kū a zīkannano gbɛ zōkō Pikolido. Isiaku an lá à ò: Lapɔ a zamaū a ma ya á bewa, à kè laba a mɔ ma kīai? An wène an ò: Wa è Deke kundo, akū wa ò a maa wà ledokū ke, wí ledà kōne a yā musu, pɔ n su n yā vāi ke kewēao, zaapo wì ïadammao. Yā maa an wa kènne, wa n gbɛɛ aafia, akū Deke balikakànnɛ. Akū Isiaku an yaai kè, an pɔbè an imì. Pɔ an fètɛ kɔnkɔ, an ledà kōne, akū Isiaku zènné, an bò a kīa aafia. Zībeezi Isiaku zīkennano m̀ an logɔ pɔ an ỳ yā òne an ò: Wa í lè. Akū à tɔkpànɛ Seba. A yā mí tò wì o bīi pine Bɛɛsɛba ee gbāa.

Pɔ Isua kà wɛ̀ bapia, à Hiti nɔ sè gbɛn pia, Beeli né Yudi kū Eloni né Basemado. Isiaku kū Lifikado an pɔ dikū sisina an yādi.

Isiaku sa'olɛkena Yakubune

Isiaku zikū, a wé ba gbāa dɔo, ada gu e maamaao. Akū à a ne nɔgɔn kaaku sisi à ò: Né! Akū à wène à ò: Ma mɔ. Isiaku ò: Ma zikū, maba ma gagɔɔ dɔo. N n sá sɛ kū n gbatado, ge n lakpe nɔbɔ wetemea. Ma puiā dò kuku n mɔdomɛa mà be, mí sa'ole kenne ee màkū ga.

Lifika yā pɔ Isiaku dá o Isuane pì mà. Pɔ Isua fête à gèe toekadi, akū à gèe à ò Yakubune: Ma mà ní mae dá yā'o n vīnane à ò, à ge à nɔɔ deakūne, i akū puiā dò kukudoakūne àkū be, akūdí sa'ole kene kū Deke tɔdo ee àkū ge gadi. Akū Lifika sùka à òne: Ma yā ma, ndí yā pɔ ma ònne ke. Ge benɔ guaū, bene maa kū men pia n de, ndí keke n mɔdo, mí n mae puiā dò kukune, ndí gedone à be, i sa'ole kenne ee àkū ga. Akū Yakubu ò a dane: Ma vīna ká vī maakū sō má yɔɔyɔɔ. Tó ma mae ɔnàma tó à ma dō, àa di máda akū ke pɔnɔpɔnɔ, i le kemea sa'olekena gbēū. Akū a da òne: Lua to le kenanne di gōmea. Ma yā ma de! Ge n de n mɔdomea.

Akū Yakubu gèe à bè pinɔ dè à mɔdo a dane, akū à a mae puiā dò kùkudone. Akū à a ne nɔgɔn kaaku pɔkasa maa pɔ ku a kpu sè à dà a né Piaden. À bene baa fī a ɔnɔwa kū a waka pɔ ba ká vīodo. Akū à dò kū bulodi pɔ à kèdo kpàwa.

Yakubu gèe a mae kīa à ò: Baa! À ò: Má di! Ma né kpete ni? Yakubu wène à ò: Maakū Isua n né kaaku. Lapɔ n òmea, ma kè. Fete n zīte n ma lakpe nɔɔ só, ndí sa'ole kemea. Akū Isiaku ò a nene: O'o! N è kò ya? À wène à ò: Deke n Lua mí sa'a kpàma. Akū Isiaku òne: Nama mà ɔnamma, pɔ mà le mà dō tó ma né Isuae yāma. Yakubu nà a mae sɛɛ, akū à ɔnàwa à ò: Kòto di Yakubu kotoɛ, esō ɔ di Isua ɔɛ. Akū i a dō, pɔ a ɔnɔ ká vī landō Isua ɔnɔba yādi. A yidi à sa'ole kene, akū à a là gīa: Ma né Isuan n ũ yā ma ya? À ò: Mm, maakūe! Akū à ò: Pɔ kpama mà n lakpe nɔɔ só, mí sa'ole kenne. Pɔ à dìne, akū à bè. À mɔne kū za'ido, à mì

dɔ. Akũ a mae pì ònɛ: Nama, ndí lɛpɛma. Akũ à nà a sɛɛ à lɛpɛ̀wa. Pɔ Isiaku a pɔkasano gbĩ mà, akũ à sa'ole kènɛ à ò:

Ma né gbĩ de landɔ̃ bua pɔ Deke balikakàɛba.

Lua n gba muse zaa musu,

i n gba tɔɔtɛ taakide,

pɔwɛna kũ za'ido díkũ dinne.

Gbɛ̀nɔ da zɔbenne,

buino da kutenne,

ndíkũ ku n gbɛ̀nɔ deke ũ,

n da nɛnɔ dí kutenne.

Lua lɛ kɛ gbɛ pɔ lɛ kènnɛnɔnɛ,

à balikaka gbɛ pɔ sa maa ònnɛnɔnɛ.

Pɔ Isiaku sa'ole kè Yakubunɛ à làka, akũ Yakubu gò a kĩa. Pɔ a vĩna sù kũ toekakĩido gɔɔ, akũ à pɔbena kè a maenɛ sɔ, à gèɛdonɛ, akũ à ònɛ: Baa! Fɛtɛ n ma lakpɛ nɔbɔ só, ndí sa'ole kemɛa. Akũ a mae a là à ò: Mɔkɔ̀n mí dí ũu? À wènɛ à ò: Maakũ n né kaaku Isua. Yã pì Isiaku kũ, ada lukpalukpa à ò: Dí mí nɔbɔ dè à mòdomɛa yãa ee ndakũ gɛ mɔdi, ma sòi? Ma sa'ole kènɛ kɔ, mí àa balika pì le sɔ. Pɔ Isua a mae yã pì mà, à wikipè à ɔɔdɔ à kè wewɛ̀nda, akũ à ò: Baa! Sa'ole kemɛa sɔ. Akũ à ò: N dakũna mò kũ ãnɔdo à n sa'ole sì kɔ. Akũ Isua ò: A tɔn Yakubuo de? À ãnɔkè̀mɛa à kè gɛn pian nu sà. À ma zɔ̀kɔ̀kɛ sìma yãa, akũ à ma sa'ole sìma tia dɔ. Maa sa'ole le dɔo de? Isiaku wènɛ à ò: Ma a dì n deke ũ, ma a danɛnɔ kè a zĩkennano ũ, ma pɔwɛna kũ za'ido kpàwa. Bó má fĩ mà kenne dɔi? Isua ò a maenɛ: Baa, sa'ole bee í

vĩ ado ya? Sa'ole ke kemea sũ Baa. Akũ Isua ɔdò ɔdɔwa. Akũ a mae wène à ò:

Tɔɔte pɔ ndakũ kuu dakũ taaki vĩo,
muse da bonne zaa musuo.
Ndakũ fẽnda kũna gɔɔkepiki,
nda zɔbe n dakũnane.
Lapɔ n sũ dakũ wutenao,
nda a zugu bo n wakawa.

Isua ibetesè kũ Yakubudo sa'ole pɔ a mae kènne yãdi, akũ à ò a sũ: Ma mae gana ba zão, mí basa mà a dakũna de. Wà yã pɔ Isua ò gu dè Lifikane, akũ à Yakubu sisi à ò: Isua yidi à pɔ gẽe simma à n de. Ma yã ma sà. Fete n basi n ge ma vĩna Labã bewa Halana, ndíkũ kudo gã ee n vĩna pì pɔpana labo. Tó a pɔ wèewa, mí yã pɔ n kènne sàsãu, maa gbẽ zĩ à petendi. Maa yidi mà ka ma né gbẽn pianɔdi piki zĩ dokũo.

Akũ Lifika ò Isiakune: Hiti nɔgbẽnɔ ni gòma. Tó Yakubu Hiti nɔ sè busuũ la landɔ Isua na dinɔba, ma kuna dakũ bæe vĩmea dɔo.